



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CXII. Lehnsherrlicher Consens für Fritz Bardeleben zur Verpfändung von Hebungen aus Satzkorn, vom 21. September 1449.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

CXI. Schuldbrief des Kurfürsten Friedrich für Henning Quast über 2000 Rh. Gulden,
vom 23. März 1449.

Wir friderich, vonn gotes gnadenn Marggrauē czu Brannenburg etc. vnd Burggrauē zu Nuremberg, Bekennen etc. —, das wir vonnferm liebenn getruwen Henninge Qwaste recht vnd redlicher schult schuldig sein, geldenn sollenn vnd wollenn zweitausind guter Reinisch guldenn, gud an golde, swer genug am gewichte, die er vnns an geczaltem vnd bereitem golde gutlichenn gelibenn vnd uberantwort had, Sunder allerleye zcinse vnd Rente daruor czu gebenn, das wir Im des flissiglichenn dannckenn. Solche zweitausind guldenn Reinisch Sollenn vnd wollenn wir ader vonnfer erben dem gnannten henningen Qwaste ader seinen erben vnd czu getrewer hand vonnferm liebenn getruwen Buffe Bardeleuen vnd Hannfe vonn Bredow, wenn vns das auf vonnfer lieben frowen tage lichtmissenn verkundiget brieslich ader muntlich wert, vf Sant Walburgen tage darnach negtkomende In disse hirnachgeschribenn dryer Stete eyn, Nemlichenn In vonnfer Stat Truwe Britzen, zcu Juterbugk ader zu Baruth, wor In das aller bequemlichst beduncket, gutlichenn vnd wol zu dancke ane allenn Iren schadenn aufzrichten, gebenn vnd bezalenn vnd vnbekummert geistlichs vnd werntlichs gerichtes etc. — Worde ouch an dissem vonnferm briue ennicherleie versumenisse gescheen an scharften, an permynte ader an Ingeligen, das sol In ouch an Irem gelde vnschedelichen sin. Des czu vrkund vnd warem bekentnuoze habenn wir vonnfer Ingeligel an dissen brief thun vnd hengenn lassenn vnd des czu mehrer sicherheit habenn wir In disse hirnachgeschribenn vonnferen Rat vnd lieben getrewen, mit namen Hannsen vonn Torgow, herren czu der Czoffen, Offen vonn Slywen, heynen pfuel, Olde Mattisz vonn Bredow, Hanns vonn Thumen, Diderich vonn Rochow, Wichart vonn Bredow, Cone vonn Crummensehe, Ludecke vonn Arnym vnd Cone Barfulz czu Borgen gefatzt etc. — Berlin, Am Sonntag letare In der vastenn, Nach Gotes geburt Taufind vierhundert Jar vnd darnach Im Nivn vnde vierzigstenn Jare.

Nach dem Churm. Lehnscopialbuche XX, 185.

CXII. Lehnherrlicher Consens für Fritz Bardeleben zur Verpfändung von Heubungen aus
Satzhorn, vom 21. September 1449.

Zcu wissenn, das meynes herrn gnade Gegonnet vnd erlobet had fritze Bardeleuen vonnferm liebenn getruwen Balczar Bogewitz, In vonnferer Nuwen stat Brannenburg, czwei wispel roggen, zwei wispel habren vnd zwey wispel gersten Im dorffe zu Satzkorn uf des gnannten fritzen ersten hofe vnd eyn pfunt pfenngen uf einer wusten wort darfelbs czu eynem rechten widderkouffe vor viertzig schog Brandenburgischer werunge verkouffen moze, doch also das fritze Bardeleue ader sein erben solch pechte, zcinse vnd Rente bynnen Sechs Jaren widder kouffen vnd czu sinen guten erben brengenn sol on geuerde. Czu vrkund etc. vnd Gebenn zu Spandow, am Sonntage sant Mauricius abend, Anno domini M^o. III^o. XLIX.

Nach dem Churm. Lehnscopialbuche XX, 186.